

〔明〕萬寧 撰

萬氏醫貫

中國醫學大成續集

萬氏醫貫提要

明·萬寧撰。寧字咸邦。湖北黃岡人。隆慶元年正月書成。時年九十三歲。其自序云。寧受庭訓。歷醫相傳五代矣。寧方韶齡時。有活人志。先君始教寧繼醫。祖傳授受。以德爲本，婆心爲先。寧自十八歲行醫。迄年七十餘載。見信一方。未常有一事愧也。適本省提學道官薛。面受天子命敕尋方。多山林奇才逸士。不論技藝。有關國家需用者。可訪問真實。特薦以備朝舉。寧草莽下士。智識愚昧。學術疏淺。恭逢文宗薛老先生。乃以寧姓名題表上達。曰善醫國者惟萬氏一人而已。臣審詳最謹。隱匿上奏。未幾君命煌煌。欽召微賤。入宮聽用。至嘉靖甲子歲。宮內皇妃甘娘娘。花朝飛熊投懷。未三月。甘娘娘適冒瘧疾。召太醫官朱林入宮跪脈奏上知道。

臣朱調進藥柴胡桂枝湯。連服三劑即瘳。忽至端午節。甘娘娘與宮娥步金橋戲龍舟。觸動娠胎下墜。匿情曠奏。歸咎於醫。龍顏大怒。不分皂白。太醫院一概着六部九卿治罪。首事者取斬。值班者取絞。餘者流徙。寧亦在其中。杖徒於廣西梧州。及臨梧州。解差文書投上州司大夫柯。大夫初召見寧。鶴髮絲絲。氣息奄奄。遂有憐憫之心。寧跪不起階。聲不啓齒。大人親手牽衣賜坐。待以賓禮。慰以美言。視寧反以莫逆交。共伴三年。忽一日詔書頒臨梧州。柯大人整朝衣恭迓旨意。宣讀知召罪臣。寧入朝復職。詔內云罪非萬臣所致。萬臣或學素有奇方。登時起程。與柯大人契交三。年夢寐相依。何忍別耶。後寧至朝聖謝恩外。寧正歷修纂集。所有祖訓親治經驗。醫案良方藥方藥法。一一刊刻。匯天地人三部。愚書其名。曰萬氏醫貫。萬殊歸一。一以貫之。天部、列胎原初生諸病。及五藏主病。

兼證症驗。地部、列脾腎各主病。兼證症驗。人部、列家傳世驗良方。是書成而傳送大人。大人不以拙作而棄之。珍而藏之高閣。異日賢裔不以鄙小技爲業。一學即成名醫云。本書可以濟世。可以保赤。其方皆萬氏歷世治驗。爰爲重校圈點。以資流傳。

同治辛未仲春

鷺門徵瑞堂葉刊

萬氏醫酉貫

板藏鷺門印心書屋

序

小兒生死大關。在乎痘疹二證。其餘則
視體氣肥壯。疲弱。與其所患之淺深。
因勢利導之。不可執一而治也。第諸證
中易之而違之。而不知所辨證。治之不
得其道。致學醫有廢人之嘆。則無過

急驚慢驚也。急驚用清涼散劑尚易治。不至大害人。慢驚必須溫補。若辨之不真。誤認慢驚為急驚。即立置之死地。叫天無辜矣。天下之大。嬰兒之被枉死者。一日何啻千萬計。為醫者誠不可不慎也。鷺門 葉君清渠 文瀾

方伯力於為善。如飢渴之於飲。食所立為
善局。月費千餘金。而於育嬰尤為加意。
幼孩之賴以生者。亦不下千萬計。茲於
乳哺而外。又恐其病而莫之防也。寬得
明人萬氏醫貫一書。謀以付梓。所以備
本局幼孩疾病乎。將以廣之海內。令

無數幼孩。皆有心保全而不至枉死也。
其造福豈可限量哉。予不知醫。是編
用意之精微。讀之茫然。獨於所論急
驚慢驚証之諸家。如武進莊在田先
生福幼編所引徵。以合符節。知餘症
當無不合也。故樂而為之敘。時

同治十年仲春福州王景賢



萬氏醫貫序

福州吳玉田刻

萬氏原序

余少嘗讀孔聖書。知人而無恒。不可以作醫。恒者常也。緣也。寧平生業醫。以醫事父事君。事父事君者。常也。非緣也。至寧以醫受患難。得安康。遇良朋。沐知交。緣也。非常也。寧受庭訓。歷醫相傳五代矣。寧方齠齡時。有活人志。先君始教寧繼醫。祖傳授受。以德為本。婆心為先。寧自十八歲行醫迄今。七十餘載。見信一方。未嘗有一事愧也。適本省提學道官薛。函受天子命。敕尋方外山林。奇才逸士。不論技藝。有關國家需

用者。可訪問真實。特薦以備朝舉。宜草莽下士。智識愚昧。學術疏淺。恭逢文宗薛老先生。臨荊州。持衡人才。拔薦多士。乃以宜姓名題表上達。曰。善醫國者。惟萬氏一人而已。臣審詳最謹。隱匿上奏。未幾君命煌煌。欽召微賤入宮聽用。非臣隕首所能上報。臣匍匐奉詔奔候。蒙恩浩蕩。自太祖高皇帝。首設醫院。重建醫學。沛仁心仁術於九有之中。臣伏願皇帝陛下。體仁守信。遵祖繼志。守身以治四海。壽國以康萬民。蒙聖主勅賜。臣萬邦。宜入太醫院。准為御前侍直醫。食

六品俸職。臣受命之日。戰戰兢兢。知有君不知有身。知有國不知有家。鞠躬盡瘁。不敢虛位。叩恩戴德。長祝天子萬年邦國之光。是緣也非常也。至嘉靖甲子歲。內宮皇妃甘娘娘。花朝飛熊投懷。司理太監官名尤奏上第六宮甘娘娘龍胎妊孕。皇大喜。未幾三個月。甘娘娘適冒瘧疾。召太醫官朱林入宮跪脈。奏上知道。臣朱調進藥柴胡桂枝湯。連服三劑。即瘳。忽至端午節。甘娘娘與宮娥步金橋。戲龍舟。觸動娠胎。下墜。匿情曠奏。歸咎於醫。龍顏大怒。不分皂白。太醫

院一概着六部九卿治罪。首事者取斬。值班者取絞。餘皆流徙。寔亦在其中。杖徒於廣西梧州。為臣死職。何敢辭過。即日起解。塗歷七千里程。又苦飡霜眠雪。悲風蕭條。中夜思之。不覺淚下涔涔也。身負國恩。為世所悲。豈丈夫哉。死而已矣。此常也。非緣也。及臨梧州。解差文書投上州司大夫柯大夫。初召見。寔老臣欽犯。鶴髮絲絲。氣息奄奄。遂有憐憫之心。寔跪不起。聲不啓齒。大人親手牽衣。賜坐。款茶。以賓禮待。加慰以美言。遂不以罪人視。寔萬氏反以莫逆交。萬氏。

且沐先生春風。高座厚待。寧曰久矣。得見大人之政事。廉明矣。大人之風度。山高而水長矣。且大人之愛人及物。不狹而且惠矣。案無餘牘。修竹種果。政遇有閒。酌酒吟詩。寧追隨花晨月夕之際。忌分晉接。西窗叙話。把臂談心。訂交千古。豈非人生相逢一大快樂事哉。寧何幸也。寧何幸也。寧荒郊野僑。無一足取。落落老夫。反以格外待之。大人恩功靡有涯焉。於此則亦緣耳。我大人柯老先生。系出韓江雅望。諱文治。台甫道光鴻號。玉井。少登嘉靖丁酉科廣東第九名亞

魁。教授雲南楚雄知縣官道邑長。著有廩吏名。再任
宜山縣附邑邑尊。清明播著。朝廷耳吹。欽擢為廣西
知梧州府州事。即陞黃堂。異日為宗伯。為冢宰。卜金
甌。垂青史。是寔所冀望也。忽一日詔書頒臨梧州。柯
大人整朝衣恭迓旨意。宣讀知台罪臣寔入朝復職。
詔內云云。罪非萬臣所致。萬臣或學素有奇。方登時
起程。書曰。君命召不俟駕而行。今日之謂也。寔與大
人契交三年。夢寐相依。何忍別耶。一旦寔勒馬就道。
淚潑襟衣。大人命吏人斧林望之。先生之待寔。何異

蜀主之高風也。宐將何以報之。宐至朝聖謝恩外。日坐醫院。回想梧州官署。與大人言笑。依然耳目中。也。宐豈能一日忘先生。已乎嗟嗟。歲歲而相見。不知同堂之歡也。經年而遙隔。乃識相思之苦。不知繼此可以得見先生否。然宐老矣。無能為也。舊恩未獲寸報。來生定效犬馬之勞。固所願也。宐正厯修纂集所有祖訓。親治證驗。醫案。良方。藥方。藥法。一一刊刻。彙天地人三部。愚書其名曰萬氏醫貫。萬殊歸一。一以貫之。宐竊慕聖訓。可藏為舊貫也。余自入都。以及闕內。